

КАМАЛДИН АХМЕДОВ

АГЪУЛ МЕГНИ

ШИИРАР



ДАГЕСТАНСКОЕ КНИЖНОЕ ИЗДАТЕЛЬСТВО
МАХАЧКАЛА 1992

Ахмедов Камалдин

Агъул мегини: Шиирар.— Махачкала. Даг.
кн. изд.-во, 1992. 32 с.

Ахмедов Камалдин. Агульская песня: Стихи.

Камалдин Ахмедован китаби джуреба — джуре
исари ликинде шиирар ая. Китабини лирикингит луь-
муьрини гуьзелгивелил лашукь, руху джилис вафалугиве-
лилди кьуллугь акьайде хье аямини инсан э.

Шайрин китаб агъул халкъдин тарихи агъул чалал-
ди аттархьайде шииррин сифта китаб э.

А 4702380202—503
М 123—92

За счет средств автора

ISBN 5—297—00984—7

© Ахмедов К. А., 1992

ХІУРМЕТЛУ ХУРАЙЕФ!

Айе мумкинвеларис хъутурфуна, геледжеги генара китабар агтархъайдеттик умуд кихъина, чве фикирдис зун руху чІалалди сифтаэй китаб хая.

Хил гъуш чун залас че Хіуьппуькъ нугъатилди ликІиная пуна ме китаб. Аме китабар чун джала гъавурди архъахелди хъин ликІеси.

Камалдин АхІмедов.

ВАТАНИС

Зе зегьметин нур,
Хлакьлугівелин тур,
Зе дамах, абур
Вун э, зе Ватан.

Хиларин кьуват,
Зе руьхІдин кьудрат,
Хе Іумур, зе бахт
Бун э, зе Ватан.

Баракат джиллин,
Джаллабурилас ширин
Нини Іу улин
Вун э, зе Ватан.

Канде зас, лап кан,
Ве рекъуь цІай джан,
Игитарин макан
Вун э, зе Ватан.

БУЛАХ

Ве бугус зун адиная,
ИиркІв мурадлив ацІуна.
Ухуна хьед земземин ме,
Пашманвелар уцІуна.

Руху джилин, баван джилин
Нек ссуман хьед адавая,
Адавая зе джандисра,
Зе нигІра гІацахъая.

ГІацахъая шавгъар суман
Бузханайин ругъу — ругъу.
ГІацахъая нурар суман
Заварнас угъу — угъу.

Зун дагъви э — лиІарин дуст.
Ери завар мутІаІ акъу.
Рагъухъанин нурарнас
Зас бигайин мугІвер агу.

Лепейрнас элкъея зас,
Элкъея зас чуьлле завар.
Азад халкъдин ахІа руьхІра,
Зе уларин Іакве цІаяр.

ЭТЮДАР

Парзай булах Чирагъ нецлус ушуне,
Магъу дере шагънд хъуне садвелин.
Чирагъ нацлра Каспий хлұьлис рукъуне,
Шагънд хъуне чуьлле хъиттар шадвелин.

Зе йирклұра мурадарин ахIавел
Битмиш хъая, ягъра-лұьшра элхъейде.
Зун гъуджая булахрифас мертевел,
Деринвелар хлұьлерифас
рухъейде.

II

Гагъ рагъ ая, гагъ угъая дагъларил,
Шалбуз дагъдин кIиларил ибхъ алдеа.
Багаймикас рагъ куьклая чIарарил,
Гагъ рагъая, гагъ угъая дагъларил,
«Глұл гъарайе»,—кар рухъея хиларил,
Шиш гуьнейрил дуьргец хили
кандеа.

Гагъ рагъ ая, гагъ угъая дагъларил
Шалбуз дагъдин кIиларил ибхъ алдеа.

III

Диф алдея дагъдил Гетин,
Цайлапанар куьркъай ая
Гуьш рахая, дахъай секин,
Дифар Iайи хъуьхъай ая.
Угъалари хилар ламу
Рукъу джилнхъ ерхе акъай.
Элхъая рагъ. Дагъ э зарлу
Зе гучIхъубар гIуьргIе акъай.

IV

ТіахІур дифар алдиджая
 дагъаррил,
Зегъем э джил, дагъларис хьнд
 рукъуне.
Че хиларин кІунтІар ая
 майданрил,
КІунтІ алихъай са солдат
 зас агуне.
Хъуьхъве кунар фаттахъая дарари,
Қызил пешер медалар эй агвая.
Ге медалар умуд э гъан дадарин.
Чи медалар че мухурил гъургъая.

V

Хътурф, къшари члурхая завар.
Фикъас къарайсуз хъуная гъагуър,
Чаркв адархъуне, андава дава,—
Бала канхъубан гъунарар агу!
Гучлая загъас, хасуман зун чаркв,
Фаттвайсуман бицлиф, херарис
загліф.

Мугуйи куьче рахая кьушар
Чаркв джиклина, акьай зе
тариф.

VI

Чигари мерте
Куьклай цаяр пурарив
Заву ая рагъ.
Джагвар хлайван суман диф
Хьиклай — хьиклай адине,
Нацлул фатхьай нагъв.

Ушуне руш булахил
Са чаркв суман дифиран
Хьуьспл алдий хал.
Зе хиялра файшуне
Плагн уьчин хуппахъай
Кел суман рахай.

VII

Вархарнас лап, вархарнас лап
Хьуркьая захъ зе Ватанин сес.
Зас гьагишти ая, камди ая зун
Ме цуларис цинкинарни мез.

Ирклукас гивая дегишгивелар зе
Варха джиларин юрклукас куьче,
Гьич дахьу суман пашмангивелер зе,
Гьич дагу рагъар цуларин луьрчле.

Уларикас гьаттархьая зе
Лап хьуьхъве хьунай дагъларин ишбил:
Агьул чалалди гьургъай ая зун,
Мукьу хьая зас зе играми джил.

Багъларин къвалахъ, лап гIадул кәпәл
Рагъунан нурад айнй лап чурхъай.
Джиллиди гIвайий, гъуджай чпин
джан,
Къизилдин пешер чеб чпив гъургъай...

Вархарнас лап, вархарнас лап
Хъуркъая захъ зе Ватанни сес.
Зас гъагншти ая, камди ая зун
Ме цуларин цIикIинарин мез.

ЭКСПРОМТ

Джагар — кIаре кърняр
Заварилра укъая.
Акбуна няхIс хIуьжетар
Чуьлле завул рукъая.

Тук рагъунас элкъуьне
КIил гъагъадвай ругукас.
Зе Iашкъунап тазанаг
Хьуне гъагин юркIукас.

ІУЬМУЪР Э

Рагъунан нур гуьркъунде зав
Ачух хъуне, куькІу гІалав —
Іуьмуьр э.

МегІин агъай хІуьруьн джакъвар
Заву ая, шаде юркіар —
Іуьмуьр э.

КуьрмегІин кум, ялар акъай
Завухъ гІая, агвай—дагвай—
Іуьмуьр э.

Укун сиви мудур ІуьрчІе
Аме хъакъай бицін Іэмкіер —
Іуьмуьр э.

Машин-машин хІачна джихер
Рекъуьас гІай, цІуд эй ерхе —
Іуьмуьр э.

Кулакари файшуне пеш
Цулин ягъар дакъай эглеш —
Іуьмуьр э.

НАСИГИАТ

СабурлугІвел — абур э ме Іуьмуьрди,
Сабурлу кас аттархьасе вархарис.
Абур ухІ вун хайирдира шийирди.
СабурлугІвел — абур э ме Іуьмуьрди.
Манхьа вун ахІмакьІвелин суьхІуьрди,
Эхирас вун, уджуз хьасе архайрис.
СабурлугІвел-абур э ме Іуьмуьрди,
Сабурлу кас аттархьасе вархарис.

ДАР

Дагъарил тик, завус мукъва
Алдеа дар Іуьмуър агу.
Дженгер дуай лигим хьунде,
Дарна кулар хьуна цлаку.

Глава хьуне, дагъар атІай,
ЛиІарра лап куъркъай хьуне.
Къирпийрин гел багиймикас.
Ве джандилра амуьргуне.

Хьнд хьугуна, хабар ицІай,
Пац икІая рагъунарра.
Іаквар чурхъвай, пешер дахъай,
ДикІай тукар, агуная.

Цул хьугуна, хая емиш,
Бахтлу хьая агуттарра.
Бахтарикас пай атІуна
Амуьргая дагуттарра.

Іурд хьугуна, тІурфан хъайе,
Алдиджая ибхьин шарфар.
Къабул акъай иджеф-Іайеф,
Аттихъая ягъар Іуьшар.

Къара хьндар адигунъ.
Тук аттахъай бахтлу э дар.
Гъамнишанф э Іуьмуьр джилл,
Алдий кӀилл чуьллу завар.

Закаера са дар хьунайчи
Ватанис бул хайде емиш.
Шад хьасий зун зе кьисматил,—
Бегьер цӀайде хьасий ериш.

БАВАКАС РИВАЯТ

Зе Iазиз бав,
Чвас буржлу э гъамиша.
Джан ине зас,
Iуьмуьрра вун акъуне хIар.
Магъа зунра
Хулан ахIаф, дадра э.
Девиррилра
Iашукъ э зун тур фацай.

Убурихъас
Хъаттардахъай риваят.
Къыкъе гъван эй
Зе йиркIурал укъуне.
Ме гафари
IаргIуне хер гуьгъуьлин.
Зав мурад эй
Зун джилари дууне.

ХIуьруьн гимил
Укьунайий Iуьсеттар.
Джегьиларра
Къвалав файний саламат.
СуьгIбет акъай
Iуьмуьр агу инсанри.

Ге суьгІбетик
Кедуй Іамал, зарафат.

ХІуьжет акъай,
Туьгьмет акъай бавасра
Са сефера
Гадайира
Аджугъ кейе саягъди.
Вун зас инде
Неккуьн къадар хъайцІасе,
Уп ве кымат,
ХІалак макъа Іуьш-ягъди».

Эйчи, зе кІиркІ,
Хънбу нсди кафалихъ
Хънхънна зун
Ме дуьйейил алуьрц вун
Ахпа хасе
Хънн терезар вахтунан,
ХІархъасе хъес
Ве зегьметна зе зегьмет,
ХІархъасе хъес
Аршна бина бахтунан.

Ме кардилра гадара
Рази хъуне
Алуьрцуне
Хънбу нсди дуьйейил,
Дахъатхъайра
Кафалихъас.
Хъайгуна гуьр чпин хулас
Гада хъуне бавав рахай:

«Ве зегьметар кейеве зак,
Вун туьгьметар
Мезуралас магъа Зас.

Хугурф вун зас,
Зе хиларис, лакарис.
Хъандава захъ гъич иман,
Сара зас гаф махъагъа».

Гъагъадуна нбхъ суман кил
Бавара гис агъая:
«Тек са луьшан
Кеттархъуне зегъметар.
Аметтара хъурай
Баван чвас хлалал»...

МУЪХІУЪББАТИН ХЕРАРИЛ АЛДИИ

Зас ІемкІекас агуне вун,
Агуне вун вазул алднй.
Ме фи кар э хьин гьаттархьуб,
Хьес лндахІан пара канднй.

ИиркІура йиркІ ІутІай джилл
Тамарзлу эй алдєя, джан.
Ве фикирар закасра э.
Каневелин хьуна лишан.

Магьа Іу хІад мукьу хьая,
Куькьас канднй чуьллу заву.
Ме хІадар хьє мурадар э
Чпис гьеле дава дахьу.

Зас ІемкІекас агуне вун,
Агуне вун заварилас.
Зун не бугус-вей агуне
МуъхІуъбатин дарахІас.

СОНЕТ

Къвадилкъван алмасрин дикІнна
Ибхъ ая суьхІуьрчи руш суман,
Іурдана куьч хъунде къуш суман,
Хъндикас мегІнияр ликІнна.

Че хІуьрни кІилихъ са хал хъая,
Якъу багв дарари цІуьппе къай,
Рагъунаи нуларра гъич дагвай,—
Ве хал э, зе иъил уц хая.

Ав, вунра хал суман тек э тек,
Фикъас вун ялгъузди ая гъан,
Іуьмуьрдин багъа тук хъугуна.

Іуьмуьрди адава зас герек —
Вакас зе йиркІурас э гІаян,
Канде зас Іуьмуьрар сад хъуна.



Айдихъас адине днф,
Іуьш адине дагъларил.
Ушу нсар хъай хІайнф
Алдея зун накъварил.

Плац нкІине балайнс,
Файадине дуст чІалал.
Чуьнгуьр хили фацуне,
ХІар акъай хІарам-хІалал.

Зун ахуни хадава,
Агъзур хиял кІили ай.
Цул джиларил адине,
Къизилдин пеш хили ай.

Адархъу пеш зе йиркІ эгъан
Кулаки хай вархарис.
Бала гулу са джекъв эгъан
Гъарай акъай джиларис.

* * *

Хіуьлерихъас ади дифар,
Дагъдин кІилихъ цуьппе
махъа.

Хили ая кІаре кучар,
Вун гафарис мискъи махъа.

ДАРНА ЭХЪ

Джиллхъ алдаркуна агъая экъуьна:
— Ме даралас хъутурф пун
АхIа хъунде, алднй зе ул.
Дуст хъасева гъагнкас зас.
Гуласту ме уларнгуас.
Рекъуьн абур эй хъуне са джигайнл.
Ушуне ягъар, атIуне дар.
Рекъуьл але гулуне эхъ.
Эйчинра эхъуь упу гафар
Амея зе йиркIура...
Дар гулу рекIкIуь ухIая сабур.

ЗАС КАНДЕ ВУН...

Зас канде вун...

Цулн завус са луж суман дурнайрин.
Аршднс ушу зе архайрин рухлер эй.
Дурнаяр вей кьибла багухъ, гьарайрин
Унар хъуркъай, хуппурилле сегьер эй.

Зас канде вун...

Ругъу джилнс жанг ярхлунай, лап
джагвар.
Куталирра изан акъай, джил атлай.
Кандейхилди джилик ушу ударар
Инсанин хил, рагъунан нур глачахъай.

Зас канде вун...

Хил алдаркай кулакира, адина,
Алмей са хлач чпихъ дуай даралле.
Кандийхилди теквелера диклина,
Эхиримжи умуд эй зе ракалле.

ТРИОЛЕТ

Вархал рекъер зе лакарик руг хъуне,
Магъа зуира руху гимил алдея.
Зе Іашкъунас ве гъвадикра муг хъуне.
Вархал рекъер зе лекарик руг хъуне,
Хъин сад-сайне муьхІуьббатин кІукІ хъуне,
Іуьмуьрдирра ве тур сивил кандея.
Вархал рекъер зе лакарик руг хъуне,
Магъа зуира руху гимил алдея.

* * *

Къизил суман рагъунахъ,
Бушлухрис завун.
Гъадивуна гъамиша
Шиш дагъдин агуб
Асирарин хъуркьяа
Унар лап кынкъе.
Джагварвелис вафалу
Хъурай вун, дагъви.

* * *

Джикая хІаят,
Акьай лахъун
ТІурфани,
Элхъея вун, Іу джуйрейи,
Зал аликіай хиялар.
Кафанин
Терс январин тІурфан суман
Хутурфуне зас.
Куъркъадава хъуьсик ибхъ
Файе хІуьттес — аяз.
Ругъувеле ге чуьлле
Угвай юркі-джигер.
Хиялрин зе сегьер эй
Аттихьи Іемкіер.

* * *

Зун дуьньяйис адине
Акьуна гъарай.
Алурцуне дуьньяйн
Инсанив гъургъай.

Дуьньяйиас весе зун
Багърияр Іашай
Секин хъасе ругаригІ
Лакъандив гъургъай.

РугаригІас айчІвасе
Рагъунахъ Іуьвер
ІиркІура хъу хиялрин
ГунтІ дакъу бегьер.

* * *

Дуьньяйнс рухайе дуьнья.
Бабанра фуннас шуьник суман.
Фи ухьтан э,
Баван суман,
Дуьньяйин хъуьсу.

ХІУЬЛ

Мухур утай лепейри, секин дава хіуьл.
Сивик элхъ кей, зун алдея къирагъил.
Хлафтава зас фи кар эйчи секинвел,
Зе йирклѹра куьклѹная эркинвел.
Даллу э хіуьл, гъагъадвай тик лепейр,
Руг-руг акъай дагъар, чархай, тепейр.
Зас гишти э, кьуват ицлай тлурфанис,
Агвар акъай уьчин гьунар инсанис.
Ругъу тинклар хъуркъая зе зангарихъ
Зас гишти э, хіуьл руцая рангарихъ
Ачух кьайде йирклѹранра деринвел,
Артух кьайде зас Іуьмуьрдни ширинвел.
Ухлая зун зе йирклѹран харайи
Дерни Іакве мурадарра заварин.
Гъагуьр агвай хлафтава зас гъагъархлѹб,
Къисмат дакъай декъикъира яваш хъуб.
Руху халкъдин къуллугъи хъуб уьш-ягъди
Макъсад э бава инде сагъ джандин,
Макъсад э зас зе Каспийин хьиттарин,
Багъиш акъу джилин дерни къатаря.
Диф гулуьне... Якъу багъ лап секине,
Зав джиклинде лиІ суман зун эркине.
Эйчинра хіуьл кихиттая, гъургъая,
Михънатиси суман уьчнл дуая.

КИЛАР

Ватанис	4
Булах	5
Этюдар	6
Экспромт	10
Иуьмуьр э	11
НасигIат	12
Дар	13
Бабакас риваят	15
МуьхIуьббатин херарил алдий	18
Сонет	19
«Айди хьас адине диф...»	20
«ХIуьлерих хьас ади дифар...»	21
Дария эхъ	22
Зас канде вун	23
Триолет	24
«Къизил суман рагъуна хъ...»	25
«Джикая хIаят...»	26
«Зун дуьпьяйнс адине...»	27
«ДеIуьйнас рухайе дуьнья...»	28
ХIуьл	29

Камалдин Ахмедов

АГУЛЬСКАЯ ПЕСНЯ

На агульском языке

Художественный редактор М. В. Левченко.

Технический редактор С. К. Амирханова

Қамалдин Ахмедов Хіуьппуькьарин хіуьри 1946-иса бавас рухуне. Дербентдин педучилище, хупай ДГУ-дин филологический факультет куьтегі акьунде ги руху хіуьри кьа исалас вэрт муьгівелимгівели, школин за-вучвели ва директоргівели кар акьуне. Але вахтуна се Хіуьппуькьарин тамам давайде школин Іурус чІаланна литературайин муьгівелим э.

Ге лезги чІалалди аттархьунде «Жегьилрин сесер» (1983), «ІэкІен кІилар» (1991), «МуьхІуьббатин хера-рил алдий» (1990) китабарин автор э.

АГУЛЬСКАЯ ПЕСНЯ

На агульском языке